



"Kada bi dao zlata koliko brdo Uhud, Allah to od tebe ne bi prihvatio, sve dok ne povjeruješ u odredbu. Znaj da što god te zadesi, nije te moglo zaobići, i šta god da te zaobiđe, nije te moglo zadesiti. Kada bi umro bez ovog uvjerenja, bio bi stanovnik Vatre."

Ibn Dejlmi veli: "Došao sam Ubejju b. Ka'bu i rekao: 'U duši osjećam nešto spram Allahove odredbe, pa mi kaži nešto što će to ukloniti.' Rekao je: 'Kada bi dao zlata koliko brdo Uhud, Allah to od tebe ne bi prihvatio, sve dok ne povjeruješ u odredbu (kader). Znaj da što god te zadesi, nije te moglo zaobići, i šta god da te zaobiđe, nije te moglo zadesiti. Kada bi umro bez ovog uvjerenja, bio bi stanovnik Vatre.'" Rekao je: "Otišao sam kod Abdullaha b. Mesuda, Huzejfe b. Jemana i Zejda b. Sabita, pa su mi svi isto kazali od Poslanika, sallallahu alejhi ve sellem."

[Vjerodostojan] [Hadis bilježi Ibn Madže - Hadis bilježi Ebu Davud - Hadis bilježi imam Ahmed]

Abdullah b. Fejruz ed-Dejlmi, Allah mu se smilovao, kazuje da je u prsima osjećao neku nejasnoću u vezi odredbe, pa se pobojavao da ga to ne odvede u negiranje iste. Otišao je do učenih ashaba Poslanika, sallallahu alejhi ve sellem, kako bi se riješio tog problema. Ovako treba da postupa i svaki vjernik i da se obrati učenjacima kada ima nešto što ne shvata i što mu predstavlja poteškoću, povodeći se u tome za ajetom: "Pitajte učene, ako ne znate." Svi ovi učenjaci su mu kazali da mora vjerovati u odredbu i da ni velika sadaka neće biti primljena bez tog vjerovanja, te da će u Vatru onaj ko ne bude vjerovao u odredbu.

<https://sunnah.global/hadeeth/bs/show/5954>

